

新刊醫西學集成

一〇



新刊醫學集成卷之十

後學 義烏 傅滋 續註

○瘡瘍門一百十一

脉法

集驗

沈實發熱煩躁外無焮赤痛其邪深在裡
宜先疎通以絕其源浮大數脈腫在外當先托裡恐
邪入內疎不沉不浮內外証無知其在外當先托裡恐
脈數身無熱內有焮膿脈數應當發熱而反惡寒若
有痛處當發其邪若數脈不時見當生惡瘡

腫瘍為虛為風潰瘍為虛宜補

腫瘍為虛為熱虛宜宣熱發毒年壯形實宜下潰

瘍為邪氣盛服藥久不退者難治

消

腫瘍為熱潰瘍為熱為虛為邪氣未退

發

腫瘍為病進為熱數而洪者欲膿

潰瘍為難愈最甚者難治

散

腫瘍為氣不收斂潰瘍為痛未退証滑大故難治

乳

腫瘍為血虛潰瘍為虛為相應

長

腫瘍宜消退之法潰瘍為易愈謂長則氣治也

平

腫瘍為邪盛為發膿潰瘍為邪氣不退

胃

腫瘍為邪氣大盛潰瘍為邪不退實緩治大者為虛

玄

腫瘍為痛為欲膿強洪相搏外紫內熱為疽瘰



也潰瘍為血虛為癰

（緊）

腫瘍浮而緊發熱惡寒或有痛處是為癰疽

潰瘍主氣血沉澹為痛為有外寒

（流）

腫瘍為氣實為氣滯潰瘍為血虛為病脈相應

（短）

腫瘍為元氣不足潰瘍為大虛宜補

（微）

腫瘍為虛服藥漸充者佳

潰瘍若微而勻者為虛為病脈相應

（遲）

腫瘍為寒為虛尺遲為血少 潰瘍為虛為氣血

不能滋榮於瘡為有外寒

（緩）

腫瘍為可治大而緩為虛潰瘍緩而澁者愈以其

病脉相應及胃氣充也

(沉)

腫瘍為邪氣深漬瘍為遺毒在內寸沉為胸有痰

(伏)

腫瘍為陰中伏陽邪漬瘍為陽伏陰中為內蝕為

流注浸淫難治

(虛)

腫瘍便宜補而內托潰瘍膿既腫宜大補氣血

(弱)

腫瘍為元氣不足宜內補托裡宜補

潰瘍為病脉相應宜補

(結)

腫瘍為邪氣結漬瘍漸勻則愈不調則危

(促)

腫瘍為熱為病滋漬瘍為熱不減漸進則死

(代)

腫瘍為氣血敗壞元氣損傷漬瘍為元氣竭絕



瘰癧云瘰癧因陰陽相滯而成蓋氣陽也血陰也血行

脉內氣行脉外相並周流寒與濕傳之則凝泣而行遲為不及熱與火搏之則沸騰而行速為太過氣得邪而鬱津液稠粘為疾為飲積久滲入脉中血為之濁此陰滯於陽也血得邪而鬱隊道阻隔或溢或結積久滲出脉外氣為之亂此陽滯於陰也百病皆由於此又不止瘰癧而已。因榮氣盛偏助火邪而作從虛而出於經絡也如太陽虛從背而出少陽從髻陽明從鬚而出微熱則痒熱甚則痛血虛則痛甚熱甚則腫甚也諸經惟少陽厥陰所生宜預防之以其多

氣少血也血少而肌肉難長瘡久未合必成死証焉不
知此處用驅毒利藥以伐其陰分之血禍不旋踵
癰疽因積毒在臟腑當先助胃壯氣使根本堅固而
以行經活血藥為佐參以經絡時令使毒氣外發施
治之早可以內消河間治腫燔于外根益不深形證
在表其脉多浮病在皮肉非氣盛則必侵於內急須
內托宜復煎散除濕散鬱使胃氣和平如未已再煎
半料飲之如大便秘及煩熱少服黃連湯如微利及
煩熱已退却與復煎散使榮衛俱行邪氣不能內傷也
治法外者以辛涼發之通聖涼膈解毒是也內者以辛

寒下之三黃玉燭散是也如血經加通經之藥夫邪
氣內蓄腫熱宜砭射之也氣勝血聚者宜射而泄之
腫瘍內外皆壅宜以托裡表散為主如欲用大黃者宜

戒猛浪之非

腫瘍者初發經腫而未出膿者是也

集驗論瘡瘍之法其名有三曰癰曰癰曰疔癰者初
生突起浮赤而無根脚腫見於皮膚間止間一二寸
有少疼痛數日後則微軟薄皮剝起始出清水後自
破膿出如不破用替針九枚毒膏貼之膿出即愈癰
者初生紅腫炎起無頭使用火針之即散不散針
侵根脚關三四十發熱惡寒煩渴或不發熱抽掣疼

痛四五月後按之微軟此証毒氣浮淺春夏宜用防
風敗毒散加葱頭姜蔥煎服秋冬去薑蔥葱頭加木
香身半已上加瓜蒌身半已下宜加射干治早者即
散或用追毒丸返魂丹復元通氣散微利之膿成用
鉗針破開或用替針丸咬開又一等皮色不變但畧
微腫肌肉內痛夜間痛甚發熱惡寒煩渴此熱毒深
亦名為疽謂其能傷筋脉骨髓也日久按之心中微
軟膿成後用火烙一開以次大膿外用拔毒乳香膏
貼之宜服內托之藥初發急用大針於腫硬處刺之
則散疽老初生白粒如粟米大便覺癢癢觸者其痛

應心此疽始發之兆也急用火針於白粒上針開或
誤觸破或入傷便覺微赤腫痛三四日後不能根脚
赤暈展開須則看之方見其暈濶狹如濶四五寸左
右渾身發壯熱微渴瘡上亦熱此疽也用火針於初
起白粒上刺入一寸餘經寸之間四邊刺四處便用
四味紫葯湯淋洗一日夜共五六次洗之洗了以軟
帛拭乾看瘡上或有漸生白粒如黍米或多或少可
用銀篦兒挑去勿令見血或有少血亦不妨不見血
尤妙却用毛皮散付之用涼水調大鉄箍散圍貼却
留瘡口瘡口處用水調正鉄箍散貼之未可用膏藥

如再要洗須先去圍藥令淨然後洗之一次洗一少
點後再上漸生白粒有則如前挑之六七日落頭無
數如蜂房膿不肯出仍淋洗圍貼冬月用玉香連煎
湯大黃一味隨虛實加減夏秋用黃連羌活散春末
夏初用防風敗毒散加葱白棗煎服去之加赤香
君形氣實膿洪滑有力痛腫欲開吐熱便閉於五利
大黃湯漏蘆湯返龍丹並毒丸復元通氣散選一藥
以通利之若大便潤便止藥四十歲已前可用之虛
弱年老之人須有便閉之證須慎之勿令過也磨熱
暈赤微開圍貼如赤暈收斂却再換銀絲散不反用



火針證七八日後中間初起白粒處此竅已溝通內
大膿可用皮帛撚小帛絰撚入竅中令透漸漸流出
可不用針砭如嬰膿透必以大針刺開或周圍四五
處其竅四邊如蜂房處膿不肯出用正鉄箍散香油
調貼一證初生白粒誤觸後便覺情懷不舒暢背上
沉重如負五七斤米樣身體煩疼胸膈痞悶而躁飲
食無味怕聞食氣所謂外如麻裡如瓜者疽毒深惡
內連肺腑也三五日內皆可用烙於中間左右上下
令毒氣通暢後膿從諸竅而出五六日不散疽頂生
白粒如椒者數十後漸生多間有大如蜂房蓮子者

指捺有膿血而不流時有清水流出微腫不突根脚
紅暈漸漸展開或痒痛或不痛或根脚暈紫赤微開
至七八寸疽不甚熱此證甚重用紫葛湯加米醋一
盞淋洗可使紅活如法去白拉付老皮散圍大極散
瘡口塗正鉄箍散每用前法如得根脚紅暈收疽突
此藥力到變重為輕如起第一顆頂上白粒雖有膿
而紅引不透按之尤硬或漸不疼便宜用火烙開透
若根脚仍舊紫黑瘡反陷下如牛項之皮漸變黑色
肌骨腐潰恍惚沉重用拔毒乳膏貼四邊仍用大
鉄箍散圍却用猪蹄湯洗此數項變證必多又宜隨

證調理脉若靈弱便用火料人參當歸濃湯調解毒
行經之藥凡癰疽必服萬全散夏月用桃紅散服以
護心君見膿之後當以潰瘍法調理

潰瘍內外皆宜以補接為主如欲用香燥者宜戒

虛之夫

潰瘍者已破
出膿是也

集驗云雖疽既破膿出肉腐當用拔毒膏貼之邪氣
漸退氣血亦虛脉之洪數漸宜減退當內補托裡必
使氣血滋榮正氣強盛膿色鮮濃赤腫漸收藥宜補
氣生血秋冬微加禦風寒之藥十宣散十全大補湯
中用桂是也氣滯加香附子如毒勢大退氣血未復

多宜用人參當歸黃芪四物湯之類癰疽雖已見膿
根脚赤暈反展開濶或不痛或大痛此毒氣不退金
銀白芷散十宣散去厚朴桂倍入參川歸黃芪加忍
冬藤連翹犀角瓜蒌根消毒之藥春末夏間及秋初
宜加酒芩黃連黃柏羌活腰已下可去桔梗見膿後
須以補氣血藥為主解毒藥助之或不宜於補藥者
宜忍冬丸四圍腫嫩處用毫針燒赤刺之約一木深
紅腫則縮復藥脉得和緩為佳或破後不潰瘡口堅
硬者風也用蜈蚣散付之或蠱肉不腐用雄黃輕粉
付之大忌紅腫不退或飲食進少從權且調理脾胃

或兼他證又另議藥治腐肉不知痛痒正黑者可去之但不傷四畔好肉及裡面良肉當去外之黑腐者下皆去黃白如絮之狀膿內有紅血絲路又不可動此項大膿次日必自脫落免傷其良肉若怕刀碰三四日必自脫落但用刀去者新肉易長毒氣漸消凡腐肉亦有少臭氣腐敗去後則無變四圍腐者漸漸去令淨用長肉膏貼間日用猪蹄湯洗新肉長如梅李如石榴子紅活可愛日見堆阜或上有白膜皆是吉兆若腐敗去後下面良肉色白而平畧無紋理亦不能如米如粟不見生斬之意或膿水清淡或臭

此積毒內連五臟血氣枯竭乃是危症肉不能長氣血不榮衛氣不護瘡則風寒着之用北艾黃芪湯洗熏洗生肌長肉藥末付之用乳香膏長肉等膏貼之或肉雖長起色紫者遺毒也用地榆湯活血散付追毒膏貼之即自紅活瘡口漸收仍用長肉膏貼或瘡口痒用細茶煎鹽煎湯熱洗或瘡口易收乃氣血中熱毒不至分消即便長肉必防流注之患或更迷遠口如錢大時恐轉他証危殆凡癰疽瘡口已收但嫩未可便去膏藥

要一書惟務紀錄舊方應酬輕少證候耳外科